



Biografi



Z. DRITAN MUSTAFA

DREJTOR I PËRGJITHSHËM EKZEKUTIV

Z. Dritan Mustafa është pjesë e Tirana Bank që nga muaji dhjetor 2014. Në janar 2015 u emërua Drejtor i Përgjithshëm Ekzekutiv i Bankës. Ai është përgjegjës për qeverisjen e institucionit, udhëheqjen dhe ndërtimin e marrëdhënieve strategjike me klientët dhe bashkëpunëtorët, si dhe për zhvillimin dhe zgjerimin e aktivitetit të Bankës. Gjithashtu Z. Mustafa është anëtar i Këshillit Drejtues si edhe mban përgjegjësitë e Drejtuesit të Komitetit Ekzekutiv të Tirana Bank.

Që nga viti 1995, Z. Mustafa ka mbajtur role të ndryshme funksionale dhe drejtuese pranë institucioneve bankare në tregun lokal, si Banka Credit Agricole, Banka Kombëtare e Greqisë dhe Banka Kombëtare Tregtare, duke sjellë me vete një eksperiencë shumë vjeçare në fusha të ndryshme të aktivitetit bankar. Gjatë periudhës 2007-2014 ka mbajtur rolin e Zv. Drejtorit të Përgjithshëm në Bankën Credit Agricole.

Z. Mustafa është diplomuar në Universitetin e Tiranës në degën Administrim Biznesi dhe zotëron një diplomë Master për Administrim Biznesi akorduar nga International Hellenic University, Greqi.



ZNJ.ERALDA TAFAJ (GURGA)

DREJTUESE E DIVIZIONIT TË OPERACIONEVE

Znj. Eralda Tafaj në rolin e Drejtueses së Divizionit të Operacioneve, është përgjegjëse për drejtimin dhe zhvillimin e strategjisë së operacioneve dhe mbikqyrjes së disa funksioneve kyçe me impakt të gjerë në Tirana Bank. Gjithashtu Znj. Tafaj është anëtare e Komitetit Ekzekutiv të Tirana Bank dhe përgjegjëse për zhvillimin strategjik të bankës.

Znj. Tafaj e filloi angazhimin në Tirana Bank në prill 2015. Ajo ka një eksperiencë të gjerë në sektorin bankar. Që nga viti 2004 ka mbajtur role drejtuese me fokus kryesor auditimin dhe operacionet bankare. Në vitet e mëparshme, Znj. Tafaj ka qenë Drejtuese e Divizionit të Operacioneve pranë Bankës Kombëtare të Greqisë për një periudhë gjashtë vjeçare si dhe Drejtuese e Departamentit të Kontrollit të Brendshëm pranë Bankës Emporiki për një periudhë katër vjeçare. Karrierën e saj e nisi pranë KPMG, Shqipëri në rolin e Auditorit të Lartë.

Znj. Tafaj është diplomuar pranë Universitetit të Tiranës për Administrim Biznesi dhe zotëron një diplomë Master për Menaxhim po nga Universiteti i Tiranës.



ZNJ.MANJOLA CAPO

DREJTUESE E DIVIZIONIT TË KREDISË

Znj. Manjola Capo në rolin e Drejtueses së Divizionit të Kredisë është përgjegjëse për mbikqyrjen dhe menaxhimin e riskut të portofolit të kredive duke siguruar që ky portofol të jetë i shëndetshëm në përputhje me kuadrin rregullator dhe standardet më të mira të kredidhënies. Znj. Capo është anëtare e Komitetit Ekzekutiv të Tirana Bank dhe përgjegjëse për zhvillimin strategjik të bankës.

Znj. Capo është pjesë e Tirana Bank që nga muaji qershor 2005. Karrierën e saj e nisi në Divizionin e Biznesit, linja Korporatë, duke mbajtur disa pozicione progresive përfshirë edhe atë të Zv. Drejtorit. Në shtator 2010 emërohet Drejtuese e Divizionit të Kredisë. Në eksperiencën e saj në Tirana Bank, Znj. Capo ka qenë pjesë e dy sektorëve të rëndësishëm, Biznesit dhe Riskut të kredisë, duke dhënë një kontribut të rëndësishëm në zhvillimin e portofolit të kredive dhe menaxhimin e rrezikut të tij.

Znj. Capo është diplomuar pranë Universitetit të Tiranës, Fakulteti i Ekonomisë. Në po të njëjtin Universitet ka kryer studimet pasuniversitare për Financë-Bankë.



Biografi



ZNJ. ELONA GJIPALI

DREJTUESE E DIVIZIONIT TË REKUPERIMIT BANKAR

Znj. Elona Gjipali në rolin e Drejtueses së Divizionit të Rekuperimit Bankar është përgjegjëse për monitorimin dhe menaxhimin e portofolit të kredive me probleme, administrimin e aseteve të paluajtshme të Bankës, përfshirë edhe ato të marra në pronësi nga procesi i ekzekutimit. Znj. Gjipali është anëtare e Komitetit Ekzekutiv të Tirana Bank dhe përgjegjëse për zhvillimin strategjik të bankës.

Znj. Gjipali e nisi karrierën e saj pranë Tirana Bank në tetor 2001. Para se të emërohej në pozicionin aktual në maj 2013, ka mbajtur për njëmbëdhjetë vjet pozicionin e Drejtueses së Departamentit të Kontrollit të Brendshëm, duke dhënë një kontribut të rëndësishëm në ndërtimin dhe zhvillimin e funksioneve të Kontrollit të Brendshëm.

Znj. Gjipali është diplomuar pranë Universitetit të Tiranës për Ekonomi si dhe zotëron një diplomë Master në Drejtëm Bankar nga Universiteti "New York" i Tiranës.



ZNJ. ELVIRA KAPOLI

DREJTUESE E DIVIZIONIT TË FINANCËS

Znj. Elvira Kapoli në rolin e Drejtueses së Divizionit të Financës është përgjegjëse për ecurinë financiare të Bankës dhe mbikqyrjes së disa funksioneve përfshirë Kontabilitetin, Kontrollin Financiar, Thesarin dhe Menaxhimin e Sistemeve të Informacionit. Znj. Kapoli është anëtare e Komitetit Ekzekutiv të Tirana Bank dhe përgjegjëse për zhvillimin strategjik të bankës.

Znj. Kapoli është pjesë e Tirana Bank që nga muaji shkurt 2019 duke sjellë me vete një eksperiencë të gjatë në fushën e financave. Para se t'i bashkohej Tirana Bank, Znj. Kapoli ka qenë pjesë e Procredit Bank ku ka mbajtur pozicionin e Drejtueses së Divizionit të Financës për një periudhë njëmbëdhjetë vjeçare dhe për pesë vite të tjera ka qenë pjesë e Deloitte Albania ku filloi si Asistent Auditore duke u promovuar më pas si Auditore e Lartë.

Znj. Kapoli është diplomuar pranë Universitetit të Tiranës për Financë-Kontabilitet si dhe zotëron një diplomë Master Shkencor dhe një Diplomë Pasuniversitare pranë Departamentit të Shkencave Ekonomike/Menaxhimit/Marketingut dhe Financës nga Qendra Ndërkombëtare e Studimeve Mesdhetare të Avancuara në Kretë, Greqi.



ZNJ. LILA CANAJ

DREJTUESE E DIVIZIONIT RETAIL

Znj. Lila Canaj në rolin e Drejtueses së Divizionit Retail është përgjegjëse për menaxhimin e Biznesit Retail me fokus kryesor zhvillimin e objektivave strategjike, identifikimin dhe zbatimin e iniciativave me fokus inovacionin si dhe zhvillimin afatgjatë dhe të qëndrueshëm të këtij segmenti. Znj. Canaj është anëtare e Komitetit Ekzekutiv të Tirana Bank dhe përgjegjëse për zhvillimin strategjik të bankës.

Znj. Canaj iu bashkua Tirana Bank në maj 2013. Para se të emërohej në pozicionin aktual në mars 2019, ka mbajtur disa pozicione drejtuese si; Drejtuese e Departamentit të Banking-ut Privat dhe Institucioneve Publike si dhe Drejtuese e Rrjetit të Degëve. Karrierën e saj e nisi pranë Bankës Raiffeisen në vitin 2005 ku punoi për një periudhë pesë vjeçare. Në prill të vitit 2010 iu bashkua Procredit Bank në pozicionin e Drejtueses së Linjës së Biznesit për segmentin Retail dhe Institucionet Publike, angazhim të cilin e mbajti për tre vite .

Znj. Canaj është diplomuar pranë Universitetit të Tiranës për Administrim Biznesi si dhe ka përfunduar studimet pranë Harvard Business Publishing në "Manage Mentor Programme".



Biografi



ZNJ. GLENDA KURTI

DREJTUESE E DIVIZIONIT TË KORPORATAVE

Znj. Glenda Kurti në rolin e Drejtueses së Divizionit të Korporatave, është përgjegjëse për menaxhimin e linjës së biznesit korporatë duke zhvilluar dhe drejtuar një nga portofolet më të rëndësishëm të bankës. Znj. Kurti është gjithashtu anëtare e Komitetit Ekzekutiv të Tirana Bank dhe përgjegjëse për zhvillimin strategjik të bankës.

Znj. Kurti është pjesë e Tirana Bank që nga muaji mars 2019. Ajo ka një përvojë të gjatë bankare në tregun lokal. Znj. Kurti ka qenë pjesë e Raiffeisen Bank për një periudhë pesë vjeçare në Departamentin e Korporatave Ndërkombëtare ku vitin e fundit ka drejtuar këtë Departament. Për rreth gjashtë vite ka mbajtur rolin Drejtues në linjën e biznesit korporatë pranë Bankës Societe Generale.

Znj. Kurti është diplomuar pranë Universitetit të Tiranës për Administrim Biznesi dhe zotëron një diplomë Master në Administrim Biznesi nga Universiteti Epoka, Shqipëri.